

客語朗讀(四縣腔) 國中學生組 編號 10 號

《快樂个學習日－擂茶》

這學期个鄉土課，同學討論結果，愛去大同鄉玉蘭村看做茶个過程揸擂茶。

頭家娘講：擂茶係這幾年正流行到臺灣地區个客家莊，原旦在大陸廣東、福建客家人个食法，另外在印尼、新馬所在个客家移民也有。擂茶也有人講安著”三生湯”，係三國時期除瘟个偏方，早期大體做鹹个口味，這下做甜个口味較多。經過頭家娘介紹，正知擂茶係恁樣做過來个，莫怪佢毋識看著阿姆擂來食。

頭家娘講擂茶个材料盡多，有地豆、白麻、烏麻，各種个瓜子、杏仁...都做得用，主要係愛選自家好食个味道，無等頭家娘講煞，大家七手八腳拿自家好食个材料開始擂，大家出力擂，到材料變漿樣，還會出油，這時節就做得沖滾水。另外加紅豆抑係米糕就做得食哩，自家親手做个，大家食到盡歡喜。

班長講食飽咗，大家應該愛運動一下，恁靚个所在來行啊行，茶園頂有涼亭做得坐爇，也看著盡闊个所在，心肝就盡開，有愁慮个事情就毋記得哩。一路項你一句佢一句非常鬧熱，先生忽然間講！佢講俗諺看麼人知意思：

第一句：三日毋食青，行路偏重輕。

意思係：人在後生時無讀書，毋識字，就像無生日珠樣。

講到恁多，佢聽無兩句，經過先生解說後，佢了解意思，也知恩个語言有學問，毋多知行到山頂咗，企到山頂，正經係一大享受，佢盡想愛大聲喊出來，佢恁幸福做得企在這埕土地項。先生講：看你兜个樣仔盡像無想轉去个樣仔，毋過，今晡日个課就愛結束，有機會下一回再來。大家盡承蒙先生今晡日个安排，分恩兜學著恁多个客家文化...。